

## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

§. 1. Quomodo pertineat ad iustitiam, vindicare?

**urn:nbn:de:hbz:466:1-45699**

viciosos animos affligentium, cognoscamus. Neque propterea hac facta sunt mala: sed dictum est, ipsam mundi artificem rationem, malis postquam facta sunt, opportunè admodum ut solere, id autem maxima potestatis est, malis etiam bene ut valere.

## C A P V T L I X .

Dinica Iustitiae notitiam, mundo maximè necessariam, è bellorum pénā, quam peccata nostra exigunt, elucere.

I.

Psal. iii. 4:

Psal. 10. 7.

**G**loria adhuc superest eaque præcipua cauſa, ob quam sapientissima illa prouidentia, & peccata permittit, & bella; quia videlicet Deus misericors, & miserator, & iustus est. Deum non nouit, qui nouit tantum misericordem, etiam iustum nosse debet. At vnde noscet, nisi è plagiis, quas vel permittit, vel immittit? David postquā dixit: Pluer super peccatores laqueos: ignis, & sulphur, & spiritus procellarum, pars calicis eorum; cauſam subiunxit. Quoniam iustus Dominus, & iustitias dilexit: equitatem videt vultus eius. Ergo iustitia manifesta fit ex poena, poena autem supponit culpam; quæ etiā ex se malum quoddam est, inde tamen boni aliquid ex ea elicetur, quia iustitia diuina plectendo ianotescit. Aliter tamen quām in aliquo creato Principe, vel gubernatore superiorē agnoscēt, in quo aliquando ex peculiari contractu, vel obligatione erga Remp. vel eos, quibus ius dicere tenet, nascitur strictum debitum. Poena enim peccato, se potius peccatori debetur, non quod is ad eam ius aliquid habeat, sicut mercenarius ad mercedem, sed quia illi congruit, etiā necessaria, ut rectus ordo per eum violatus instauretur. Ob quam cauſam etiam poena debetur Rēp. cuius peccator est pars, & cuius legem violauit. Huic debito responderet iustitia vindicta in eo, qui Remp. gubernat, cui per officium vel pactum obligatus est, ut ei ius administret santes puniendo. Sic enim & debitum solvit Rēp. & consulit bono communi. Ab hac virtute Iudices iusti appellantur, & laudibus digni. Neque bonum est dumtaxat atq; honestum, ordinem iustitiae violatum instaurare, sed etiam magnum Rēp. decus. Adde, quod sine scelerum vindicta, legum observatione, quæ est maximum Rēp. ornamentum, constare non possit. In Deo, tamquam supremo Principe, obligatio locum non habet,

habet, cùm officium gubernandi mundi non à mundo, sed à se habeat. Vnde neque peccatoribus, neque mundo ipsi, ex nexu iustitia, ad peccata plectenda obstrictus est; sed solum sibi ipsi, cùm valde deceat ipsius iustitiam & sanctitatem, atque ita statuerit ad suam gloriam & bonum vniuersi, reos non dimittere imputatos.

Itaq; quidquid Deus facit circa creaturas, vel est opus misericordiae, vel iustitiae vindicatiæ, iuxta illud: *vniuersa via Domini*. Psal. 34. 10.  
*ni misericordia & veritas.* Ab vtraq; virtute laudabilis est. Quamquam ut benignitas, ita & ipsa quoque severitas iustitia in bonum nostrum redundat. Si enim nulla esset vindicta criminum, meruenda, quām pauci saluarentur? quām rari virtutis arduum callem concenderent? quām proni essent ferè omnes, ut se se in cœno viciorum volutarent? Siquidem plerique vel iam, id quod pluris foret astimandum, minoris faciunt; & minus curant pœnam damni, quām sensus. Dummodo infernus non esset, & illa eterna flamarum tormenta patienda; nihil facerent cælum; & libenter carerent gaudijs illis diuinis, si possent etiam carere pœnis sensu percipiendis. Atque hoc solarium quod non habent, fingunt sibi, qui in profundum venerunt, peccatores. *Dixit insipiens in corde suo.* Non est Deus, qui peccata vindicet. quid verò inde? Corrupti sunt, & abominabiles facti sunt in studijs suis, non est, qui faciat bonum, non est usque ad unum. Intremus scholam, in qua magister non est, quanti ibi clamores, quantæ insolentiz? Speciemus exercitum sine disciplina militari, quæ non confusio, quæ non licentia, & immanitas? Intueamur Remp. in qua nemo suspenditur, nullus agitur in rotam, nemo capite plectitur, nullus carcerem metuit, an non ibi omnia furtis, rapinis, homicidijs scatent? Ita in toto mundo, si Dei vindicta deesset, virtutes exularent, vitia tenerent clauum. Plus enim apud homines valent supplicia, quām beneficia; plus minæ, quām promissiones, naturâ iam corruptâ & in malum prona ab adolescentia sua. Stimulo igitur Gen. 8. 22. timoris opus est, etiam ijs qui in virtute profecerunt, ne se tentatione vinci patientur. Vnde & ille oravit: *Confige timore tuo* Psal. 330. 10. *carnes meas.* Sed quid mirum? *Initium sapientia timor Domini.*

Vthoc autem fiat confirmatus, duo in iustitia vindice consideranda

## II.

## III.